

Халқ сўзи

Ўзбекистон — келажги буюк давлат

2021 йил — Ёшларни қўллаб-қувватлаш ва аҳоли саломатлигини мустаҳкамлаш йили

1991 йил 1 январдан чиқа бошлаган

WWW.XS.UZ

E-mail: Info@xs.uz

2021 йил 13 март, № 52 (7832)

Шанба

Сайтимиға ўтиш учун QR-кодни телефонингиз орқали сканер қилинг.



ЎЗБЕКИСТОН ВА ГЕРМАНИЯ ЕТАКЧИЛАРИНИНГ САММИТИ БЎЛИБ ЎТДИ

Ўзбекистон Республикаси Президенти Шавкат Мирзиёев 12 март кунининг иккинчи ярмида Германия Федерал канцлери Ангела Меркель билан видеоанжуман шаклида музокара ўтказди.



Бугунги кунда жаҳоннинг илгор мамлакатларидан бири бўлган Германия саноат ва технологиялар борасида тан олинган пешқадам сифатида глобал иқтисодийнинг турли тармоқ ва соҳаларида етакчи ўринни эгаллаб келмоқда.

Бундан ташқари, Германия пандемия оқибатларини енгиб ўтиш бўйича халқаро ташаббусларни илгари суришда фаол иштирок этиб, жаҳон мамлакатларига, шу жумладан, Ўзбекистонга катта амалий ёрдам кўрсатмоқда.

Хусусан, Германия кўмаги билан COVAX ташаббуси доирасида шу ойнанг охирида мамлакатимизга коронавирусга қарши вакцинанинг биринчи йирик партияси етказиб берилди. Бундан ташқари, Европанинг юқумли касалликларни ўрганиш соҳасидаги нуфузли илмий-тадқиқот муассасаси — Роберт Кох институти билан яқиндан ҳамкорлик ўрнатилган.

Ўзбекистон ва Германия етакчиларининг бугунги учрашуви кун тартибидан жаҳонда мураккаб эпидемиологик вазият оқибатида инкирозли ҳодисалар кучайиши шароитида мамлакатларимиз ўртасидаги кўп қиррали ҳамкорликни янада кенгайтириш масалалари ўрин олди.

Ўзбекистон Президенти ва Германия канцлери икки йил аввал Берлин шаҳрида ўтган олий даражадаги учрашувларда эришилган келишувларнинг биргаликда амалга оширилаётгани икки томонлама муносабатларнинг барқарор суруятлар билан ривожланишини таъминлаётганини катта мамнуният билан қайд этдилар.

Давлатимиз раҳбари мамлакатимизда янги демократик янгиланишлар сиёсатини оғишмай қўллаб-қувватлаётгани ҳамда юртимиздаги ижтимоий-иқтисодий ислохотларга молиявий-техник жиҳатдан кўмак

лашиш дастурини кенгайтираётгани учун ГФР ҳукуматига миннатдорлик билдирди. Иқтисодий ҳамкорлик масалаларига алоҳида эътибор қаратилди. Германия Ўзбекистоннинг муҳим технологик ва инвестициявий шериги бўлиб келмоқда.

Кейинги йилларда ўзаро товар айирбошлаш ҳажми 1,5 баробар кўпайди, 50 га яқин янги қўшма корхоналар ташкил этилди. Ўзбекистонда Германиянинг «MAN», «Claas», «Knauf», «Papeburg» каби машҳур компаниялари фаол ишламоқда. «Volkswagen» ва «Viesmann» компаниялари илк бор юртимиз бозорига кириб келган бўлса, узоқ танаффусдан сўнг «Siemens» ва «Bosch» компаниялари қайтиб келди. Ўтган йилда Германия компаниялари томонидан мамлакатимиз иқтисодиётига қиритилган инвестициялар ҳажми 700 миллион доллардан ошди.

Учрашувда қўшма лойиҳалар, ишбилармонларнинг алоқалари ва ташаббусларини қўллаб-қувватлаш, шунингдек, етакчи немис компаниялари ва банк институтларининг Ўзбекистондаги фаолиятини кенгайтиришга келишиб олинди.

Кооперациянинг янги йўналишларини, энг аввало, индустриал кластерлар, рақамлаштириш ва «яшил иқтисодиёт»ни ривожлантириш масалаларини муҳокама қилиш, қайта тикланувчи энергетика соҳасидаги лойиҳаларни илгари суриш мақсадида жорий йилнинг май ойида Ўзбекистон — Германия ишбилармонлар кенгашининг навбатдаги учрашувини ўтказиш режалаштирилди.

Томонлар мамлакатимизнинг Жаҳон савдо ташкилотига аъзо бўлиши масаласида ҳамда Европа Иттифоқи билан конструктив мулоқот доирасида, шу жум-

ладан, Кенгайтирилган шериклик ва ҳамкорлик тўғрисидаги битимни тайёрлашни тез фурсатда якунлаш бўйича ҳамкорликни давом эттиришга аҳдлашиб олдидлар.

Инсон ҳуқуқ ва эркинликларини таъминлаш, коррупцияга қарши курашиш ва гендер тенглик каби устувор йўналишларда ҳамкорликни мустаҳкамлаш муҳим экани таъкидланди.

Гуманитар алмашинувлар соҳасида Ўзбекистонда немис тилининг ўрганилишини кенгайтириш ва бу борада тегишли давлат дастурини қабул қилиш ташаббуси қўллаб-қувватланди. Ўзбекистон Президенти ва Германия канцлери халқаро аҳамиятга молик долзарб масалалар ҳамда глобал ва минтақавий тузилмалар доирасидаги ҳамкорлик юзасидан ҳам фикр алмашдилар. Мамлакатимизнинг Марказий Осиёда

дўстлик, яхши қўшничилик, ишонч ва шериклик муносабатларини мустаҳкамлаш борасидаги сиёсати қўллаб-қувватланди. Афғонистондаги тинчлик жараёнига кўмаклашиш, шу мақсадда транспорт ва энергетика соҳаларида минтақавий инфратузилма лойиҳаларини илгари суриш борасида кўрилаётган саъй-ҳаракатлар юксак баҳоланди.

Музокаралар якунида Президент Шавкат Мирзиёев Федерал канцлер Ангела Меркелни Ўзбекистон Республикасига ташриф билан келишга таклиф қилди.

Ўзбекистон ва Германия етакчиларининг учрашуви ҳар доимгидек очиқ ва конструктив муҳитда, ишчан ва дўстона руҳда ўтди.

Ў.А.

Ўзбекистон Республикаси Президенти Матбуот хизмати суратлари.

Ўзбекистон — Қирғизистон:

СИФАТ ЖИҲАТИДАН ЯНГИ СТРАТЕГИК ҲАМКОРЛИК ДАВРИ

Ўзбекистон Республикаси Президенти Шавкат Мирзиёевнинг таклифига биноан Қирғизистон Республикаси Президенти Садир Жапаров 11-12 март кунлари давлат ташрифи билан мамлакатимизда бўлди.

Аввал хабар қилингандек, ташрифнинг асосий тадбирлари 11 март кун Кўксарой қароргоҳида бўлиб ўтди.

Ўзбекистон Президенти Шавкат Мирзиёев ва Қирғизистон Президенти Садир Жапаровнинг тор ва кенгайтирилган таркибдаги музокараларида икки мамлакат ўртасидаги дўстлик, яхши қўшничилик, ишонч ва стратегик шерикликка асосланган муносабатларни янада ривожлантириш ва мустаҳкамлаш масалалари кўриб чиқилди.

Музокаралар якунида кўп қиррали Ўзбекистон — Қирғизистон ҳамкорлигининг деярли барча йўналишини қамраб олган 22 та ҳужжат имзоланди.

Ташрифнинг иккинчи кунги Президент Шавкат Мирзиёев ва Президент Садир Жапаров Кўксарой қароргоҳидаги Фахрий меҳмонлар хиёбонига кўчат ўтказди.

Бу Ўзбекистон ва Қирғизистон халқлари дўстлигининг, давлатлараро муносабатларда янги давр бошланганининг рамзи бўлди, дейиш мумкин.

Мазкур хиёбонда бошқа ҳамкор давлатлар раҳбарлари эккан дараклар ҳам бор.

Қирғизистон Президентининг мамлакатимизга ташрифи доирасида Тошкент шаҳридаги технопаркда Ўзбекистон — Қирғизистон бизнес форуми ва Ишбилармонлар кенгашининг биринчи йиғилиши бўлиб ўтган эди.

Қирғиз Республикаси Президенти Садир Жапаров Ўзбекистон Президенти Шавкат Мирзиёев ҳамроҳлигида мазкур технопаркка ташриф буюрди.

Ушбу замонавий мажмуа давлатимиз раҳбарининг 2019 йил 1 майдаги «Саноат кооперациясини янада ривожлантириш ва талаб юқори бўлган маҳсулотлар ишлаб чиқаришни кенгайтириш чора-тадбирлари тўғрисида»ги қарорини асосида ташкил этилган. Бу ерда умумий қиймати 365 миллион долларлик 17 та лойиҳа амалга оширилмоқда.

Қирғизистон Президентига технопаркдаги корхоналарда ишлаб чиқарилаётган маҳсулотлар — маший техникалар, электрон газ ҳисоблагичлар, лифтлар, сув насослари, саноат кондиционерлари ва совитиш тармоқлари ҳақида маълумот берилди.

Давлат раҳбарлари Ўзбекистоннинг саноат, қишлоқ хўжалиги ва хунармандчилик маҳсулотлари кўргазмаси билан танишди. Кўргазмага 24 та

тармоқ ва 14 худудда ишлаб чиқарилаётган мингдан ортиқ маҳсулотлар қўйилган.

Президент Шавкат Мирзиёев Қирғизистонда ҳам керакли салоҳият борлиги, уни юзага чиқариш учун Ўзбекистон кооперациялар ташкил этиш ва тажриба алмашишга тайёр эканини таъкидлади. Тармоқ раҳбарларига Қирғизистондаги турдош муассасалар билан яқиндан ишлаб, қўшма лойиҳаларни амалга ошириш бўйича кўрсатмалар берди.

Ўзбекистон халқи номидан Қирғизистон халқига юртимизда ишлаб чиқарилаётган тез тиббий ёрдам машиналари соғва қилинди. Садир Жапаров қардошлар ва яхши қўшничилик муносабатлари, доимий кўмаги ва қўллаб-қувватлаши учун миннатдорлик билдирди.

Мамлакатимизнинг саноат салоҳияти, маҳсулотларнинг кенг асортименти ва сифати меҳмонларда катта таассурот қолдирди.

Олий мартабали меҳмон ташриф доирасида Ўзбекистон Республикаси Олий Мажлиси Сенати Раиси Танзила Нурбоева билан учрашди. Учрашувда томонлар икки мамла-

кат парламентлари ўртасида ҳамкорликни кенгайтириш, Олий Мажлиси Сенати ва Жогорку Кенеш шафелигида минтақалараро форумни ўтказиш масаласи кўриб чиқилди.

Икки мамлакат Президентлари музокараларида эришилган келишувларни амалга ошириш хусусида сўз юритилди.

Қонун ижодкорлиги соҳасида ҳамкорликни кенгайтириш, Олий Мажлиси Сенати ва Жогорку Кенеш шафелигида минтақалараро форумни ўтказиш масаласи кўриб чиқилди.

Қирғизистон Президенти Ўзбекистон Республикаси Олий Мажлиси Қонунчилик палатаси Спикери Нурдинжон Исмоиловни қабул қилди.

Мулоқот чоғида Ўзбекистон — Қирғизистон муносабатлари сифат жиҳатидан янги стратегик ҳамкорлик даражасига чиққани, дўстона ва яхши қўшничилик алоқалари жадвал ривожланаётгани қайд этилди.

Икки мамлакат қонунчилик органлари ўртасидаги алоқаларни янада кучайтиришга доир масалалар юзасидан фикр алмашилди.

Қирғиз Республикаси Президенти

Садир Жапаров Ўзбекистон Республикаси Бош вазири Абдулла Арипов билан учрашди.

Учрашувда Ўзбекистон Республикаси Президенти Шавкат Мирзиёев ва Қирғиз Республикаси Президенти Садир Жапаровнинг музокаралари якунлари бўйича эришилган келишувларни амалга оширишда икки мамлакат ҳукуматлари олдида турган муҳим вазифалар кўриб чиқилди.

Транспорт, энергетика соҳаларида Ўзбекистон — Қирғизистон ҳамкорлигини янада ривожлантириш истиқболлари муҳокама қилинди.

Икки томонлама ҳамкорлик бўйича Ҳукуматлараро комиссиянинг навбатдаги йиғилишини ўтказиш муддати келишиб олинди.

Шу билан Қирғизистон Республикаси Президенти Садир Жапаровнинг Ўзбекистонга давлат ташрифи якунланди.

Олий мартабали меҳмонни Тошкент халқаро аэропортида Ўзбекистон Республикаси Бош вазири Абдулла Арипов кузатиб қўйди.

**М. ЭЛМУРОВОВ,
З. ЖОНИБЕКОВ,
Ў.А. МУХБИРЛАРИ.**

«Халқ сўзи» учун махсус

Ўзбекистон — Германия олий даражадаги саммити икки томонлама ва минтақавий муносабатларни мувофиқлаштиришга имкон берди

Ўзбекистон Президенти Шавкат Мирзиёев ва Германия Федерал канцлери Ангела Меркелнинг бугун видеоконференция шаклида бўлиб ўтган саммити якунлари халқаро экспертлар ҳамжамияти вакилларининг диққат-эътиборини тортмоқда.

Sahipkiran (SASAM) стратегик тадқиқотлар маркази директори (Туркия) Мехмет Эмре Каракосе «Дунё» ААҒА берган интервьюсида олий даражадаги музокаралар ҳали ишга солинмаган имконият ва манбалардан кенг фойдаланишни йўлга қўйишга

ҳамда кўп қиррали икки томонлама муносабатларни янада ривожлантиришда умумий ёндашувларни ишлаб чиқишга ёрдам беришини таъкидлади. — Саммит икки давлат ўртасидаги алоқалар изчил ривожланиб бораётганидан далолат берди. — деди у. — 2019 йил

январь ойида Ўзбекистон Президенти Германияга расмий ташриф буюргани ва Уша йилнинг май ойида Германия Президентини Франк-Вальтер Штайнмайер Ўзбекистонга жавоб ташрифи билан келганини яхши эслаймиз. ➡ 4

Ўзбекистон нафақат Марказий Осиё, балки Евроосиё миқёсидаги савдо-транспорт алоқаларини ривожлантиришда муҳим роль ўйнаши мумкин

Қирғизистон Президенти Садир Жапаровнинг Ўзбекистонга давлат ташрифи якунлари халқаро экспертлар ҳамжамияти, илмий-академик доиралар вакилларининг қизиқишини уйғотмоқда.

Гулнора Мамедзаде, «Baku Network» халқаро сиёсат ва хавфсизлик марказининг Экспертлар платформаси директори (Озарбайжон):

— 2016 йилдан бошлаб Марказий Осиё минтақасида Ўзбекистоннинг роли ва мавқеи мустаҳкамлашиб бормоқда. Ички сиёсий воқеликларнинг либераллаштирилиши, Президент Шавкат Мирзиёевнинг изчил ислохотлари, қўшни

давлатлар билан алоқаларини мустаҳкамлаш бўйича саъй-ҳаракатлари минтақада ижобий муҳитни шакллантирди.

Ўзбекистон Президентининг дипломатик стратегияси мамлакатни Россия, Хитой, АҚШ, Европа Иттифоқи ва Туркия манфаатлари кесилган кенг минтақанинг муҳим давлатларидан бирига айлантиришга қодир. ➡ 4

